



ATASSUT

UPA14/74-1

Gerhardt Petersen

30.04.2014

Naalakkersuisut 2015-mut Aningaasanut Inatsimmi Nuummi atlantiku ikaarlugu timmisartunut suluusalinnut mittarfiornissap misissorneqarnissaanut aningaasaleeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq / Medlem af Inatsisartut Andreas Uldum, Demokraatit)

Demokraatit sinnerlugit Inatsisartuni ilaasortap Andreas Uldum-ip matumani siunnersuutigaa 2015-mut aningaasanut inatsimmi Nuummi atlantiku ikaarlugu timmisartunut suluusalinnut mittarfiliornissap misissorneqarnissaasut aningaasaleeqqullugit Naalakkersuisut peqquneqassasut.

ATASSUT-mit pingaartilluinnarparput nunarput imaatigut silaannakkullu angallannikkut ataqatigiissarluagaassasoq, taamaaliornikkut innuttaasut aammalu inuussutissarsiutinik ingerlataqartut angallannikkut kiffartuunneqarnerat pitsaanerpaatinneqarnissaa qulakkeersimaneqassasoq.

Siunnersuuteqartoq isumaqatigaarput nassuiaasiorderit nalunaarusiortitsinerit oqallinnerillu ukiut ingerlanerini timalimmik iliuuseqarnissamut kigaallassaataasutut misinnarsimmata aammalu nunatta angallannikkut ataqatigiissaarneqarnera pitsanngorsaaviginiarlugu iliuuseqartoqartariaqalersoq.

Taamaattorli aalajangiinissamut tunngavissat maannamut pigileriikkavut nalilersorluarneqartariaqarput, ATASSUT-mit naammagisimaakkatsinnik Naalakkersuisut erseqqussamik nalunaarutigereerpaat Qaqortumi suluusalinnut mittarfiliortoqassasoq, tulleriarinermilu taanna tullinnguutissasoq, naatsorsuutigilluinnarparpullu tamanna aalajangiusimaneqassasoq.

Naalakkersuisut akissuteqaamminni erseqqissaatigaat silaannakkut angallannermi ataqatigiissaarinerup inerisarneqarnissaa pillugu misissuinerit ingerlanneqartut,



ATASSUT INATSIARTUNI

naatsorsuutigarpullu tamanna aallaavigalugu tulleriaarineramik piviusorsiortumik Inatsisartunut saqqummiussisoqassasoq.

Taamatut naatsumik oqaaseqarluta ATASSUT-mit Naalakkersuisut allannguutissatut siunnersuutaat tusaatissatut tiguarput.